

Inatsisartut suleriaasianni § 37 imm. 1 najoqqutaralugu Naalakkersuisunut imaattumik apeqquteqarpunga:

Apeqqut:

- 1) Tusagassiorfitsigut tusarparput Royal Arctic Line A/S illuutiminik tuniniaaniartoq. Illut sumiittut tuniniarneqarpat sunalu tunngavigalugit illunik tuniniaanissaq toqqarneqarpa?
- 2) Royal Arctic Line A/S qassinik aqqi ilanngullugit umiarsuaateqarpa?
- 3) Royal Arctic Line A/S qassinik aqqi ilanngullugit umiarsuarnik attartugaqarpaa?
- 4) Royal Arctic Line A/S umiarsuaatiminik tunisaqarnikuua?
A. Tunisaqarsimaguni qanga tunisaqarnikuuppat tunisallu aqqi ilanngullugit qassiuppat?
- 5) Aningaasarsiornikkut ingerlanerlunneq malunnarsiartuinnarpat usinik assartuinermi akinik qaffaasoqarniarpaa?
A. Qaffaasoqarniarpat qanoq annertutigisunik qaffaasoqassava?
- 6) Targat qassit Pilersuisumik pigineqarpat?
A. Pisiarineqarnerminni qanoq akeqarpat?
- 7) Targat ukiut kingullit tallimat ajutoortartut iluarsaattarnerinut aningaasat qanoq annertutigisut aningaasartuutigineqartarpat?
- 8) Pilersuisup naatsorsuutaasa eqqunngitsumik sinneqartoortuusaarlutik saqqummiussisaqattaarnerat nunaqarfinni pisisartunut qanoq naleqarpa?
A) Aningaasallu annaaneqarsimasut matussuserniarneqarnerannut nunaqarfinni pisisartunut tutsinneqassappat?

(Inatsisartuni ilaasortaq Hans Enoksen Naleraq)

Tunngavilersuut:

Tusagassiorfinni tusarparput Royal Arctic Line A/S pigisaminik nalilinnik ilaatigut illuutininik tuniniaaniartoq oqaatigineqarluni. Taamatut iliuuseqarneq aningaasarsiornikkut ajutooriartornermik umiarsuaatileqatigiiffimmuut tunngaveqarpaa taamaassimappat ersarissumik paaserusunnarpoq qanoq annertutigisumik aningaasarsiornikkut annaasaqariartornersoq.

Apeqqutima ullut qulit iluanni akineqarnissaat piumasaraa inatsisartunut siunnersuusiornissamut paasisissutissat amigaataammata.